

欽定大清會典事例

欽定大清會典事例卷六百二十五

兵部

綠營處分例

約束

馬政

約束○順治初年定。凡營兵生事擾民。該管官失察者。降一級留任。兼轄官罰俸一年。統轄官罰俸九月。若以私事差遣營兵。或令營兵貿易者。革職。如營兵在於差遣貿易地方生事擾民者。照故縱例。革職提問。兼轄官不揭報者。降二級留任。統轄官罰俸一年。至於官弁生事擾民。責打平人者。革職。致死者。革職提問。兼轄官不

揭報者降二級留任。統轄官罰俸一年。提鎮罰俸六月。○又定營兵違禁販馬。該管官不查究者。罰俸一年。兼轄官罰俸六月。統轄官罰俸三月。○康熙十年題准。官弁給餉稽遲。侵扣暴虐。以致營兵譁譟者。革職。係提鎮親標將該弁之該管上司及提鎮皆降二級調用。至中軍承辦錢糧本營兵譁譟者。革職。若別營兵譁譟。照該管上司例降二級調用。係提標外屬營兵譁譟。將該提督降一級留任。鎮標外屬營兵譁譟。將該鎮降一級留任。提督罰俸一年。○又題准營

兵諱譟該提督徇情不叅及叅劾不實者降二級調用。若係該管官唆使諱譟者革職提問。巧飾呈報者革職。○十一年題准官弁苦累營兵以致私逃者降一級調用兼轄官降一級留任。統轄官罰俸一年。○又題准營兵為盜將該管官革職兼轄官降三級調用。統轄官罰俸一年。能查報者免議。其營兵為盜日月在該管官公出之前。事發於公出之後者。仍照例議處。若為盜日月在該管官公出之後。事發於未回之前者。免議。若該管官隱匿不報。及以公出捏飾者。

革職。又覆准貼防兵為盜。將該處專汛兼轄
統轄官照地方官失事例議處。領兵貼防官革
職。貼防之兼轄官降二級留任。統轄官罰俸一
年。十三年題准營兵窩盜。聚盜及受贓漏信
令盜脫逃者。該管官降二級調用。兼轄官同城
者降一級調用。不同城者降一級留任。統轄官
降一級留任。如該管及兼轄統轄各官徇縱不
察究者。照諱盜例分別議處。十八年題准營
兵有係奴僕叛主投充者。該管官即行訊究。若
知情不舉。降二級調用。失察者罰俸一年。又

奏准營兵容留反叛家屬充伍。該管官知情不舉者革職。失察者降二級調用。○二十八年覆准營兵侵占官地辱罵職官者。該管官降二級調用。兼轄官降一級留任。○三十八年奏准武職上司將所屬未弁。如有事故並不揭參任意答辱者。罰俸一年。答辱守備以上者。降二級調用。○四十一年覆准就撫人丁。情願為民者聽。若情願為兵。該管官約束不嚴。以致復為盜者。將該管兼轄統轄各官。照營兵為盜例。分別議處。○雍正六年議准營兵有應納錢糧抗欠不

完州縣官將數目開明移會該管官照數目追交州縣如不實力追交照州縣催徵錢糧未完分數例議處。○九年議准營兵犯賭該管官自行查察者免議失察者罰俸三月若明知不究別經發覺罰俸一年。○十二年議准營兵犯命案該管官即時拏送有司審理者降一級留任如並不拏送致令脫逃降一級調用兇犯交與接任官協同文職限一年緝拏限內拏獲照文職接緝命案例議敘不獲罰俸一年若該兵於犯事之先已經革糧編入里甲者聽文職緝拏

武職免議如別營兵犯命案脫逃鄰汛官弁拏獲照文職拏獲鄰境兇犯例議敘。○十三年議准營兵有犯竊案經文職審確即移交該管官捆打插箭游營再送文職照例發落將約束不嚴之該管官降一級調用如案未發覺該管官能查拏送審者免議。僕屬託文職代為開脫者革職若既經發覺捏稱開除名糧在先犯案在後者降二級調用。○乾隆四年覆准營兵誣拏良民指為盜賊私用非刑致死者該管官革職兼轄官不據實呈報者降二級調用未經查出

之總兵官降一級調用。提督罰俸一年。如未致死。該管官降四級調用。兼轄官不據實呈報者。降一級調用。未經查出之總兵官。罰俸一年。提督罰俸六月。若誣拏曾經犯竊之人。指為現在。躡緝強竊盜賊。拷逼教供致死者。該管官降三級調用。未致死者降一級調用。○六年奏准營兵煎販私鹽。該管官自行察究者免議。若失察別經拏獲者革職。○又議准營兵因戶婚田土之事。與民訐訟者。一面回明該管官。一面赴地方文職官呈告。聽候審斷。該管官不許收接兵

詞。加看移送。違者照擅受民詞例議處。○十二年議准。營兵私逃。除將苦累之該管及兼轄官仍照例議處外。若並無苦累。無故私逃。能於百日內拏獲者。該管各官皆免議。如百日不獲。該管官罰俸一年。兼轄官罰俸六月。其在軍營私逃者。以五日為期。五日不獲。即照此例議處。至於該管官規避處分。將私逃兵丁以革伍辭糧捏報者。照隱匿不報例議處。○十四年議准。營兵有為竊者。除專管官照例議處外。將兼轄統轄官各降一級留任。○二十九年奏准。叛逆案

內如審有在營兵丁隨同附和者。將同城該管各官俱革職。不同城之兼轄統轄各官降二級調用。總兵官提督降一級留任。○四十七年奏准營兵罪應滿杖者。即行革伍。移交地方官收審詳究。如止係細小過失。及技藝稍覺生疏。差操偶爾遺誤。初次量加責做。再有違犯。馬降為步。步降為守。守則派當苦差。再不悛改。即行斥革。移明地方官另記年貌冊。嚴加管束。按季點驗稽查。毋許無故出外滋事。若有作姦犯科。照常人加一等治罪。並將管束不嚴之父兄鄰佑

按本犯罪名輕重分別懲治。地方官照失於查察例罰俸一年。營員不知愛惜任意革兵。即照例降一級調用。至分防各州縣鄉僻汛兵餉銀。令汛弁領回。會同各該州縣按冊逐名給領。出結具報。儻值印官公出。即會同該處佐雜教官前往監放。如有剋減。據實詳參。若監放官不親臨抽兌。致有弊混。及通同扣剋者。均照定例分別叅處。○四十八年奏准。嗣後營兵有窩盜受贓及漏信縱盜脫逃情事。將專管官照溺職例革職。兼轄官同城者降二級調用。不同城降一

級調用。統轄官降一級留任。○四十九年奏准兵丁違禁重利放帳者。將兵丁革退。若本管官希圖射利。放與本營及別營兵丁。以致坐扣錢糧者。題參革職。仍計贓治罪。○五十七年奏准武職該管兵役人等。誣良為竊。私用非刑害人致死者。將失察之該管官革職。兼統官降二級調用。總兵官降一級調用。提督罰俸一年。未經致死者。該管官降一級調用。兼統官降一級留任。總兵官罰俸一年。提督罰俸六月。上司查出揭報者免議。○五十九年奏准派往軍營兵丁

脫逃。原籍原營該管武職。以軍營咨到之日起。勒限一年緝拏。限滿不獲。該督撫按其名數分別咨參。一、二名以上不獲者。專管官罰俸九月。兼轄統轄官罰俸六月。五、六名以上不獲者。專管官罰俸一年。兼轄統轄官罰俸九月。十名以上不獲者。專管官罰俸二年。兼轄統轄官罰俸一年。均再限一年緝拏。限滿不獲。一、二名以上者。專管官降一級留任。兼轄統轄官罰俸一年。五、六名以上者。專管官降一級調用。兼轄統轄官罰俸二年。十名以上者。專管官降二級調用。

兼轄統轄官降一級留任完結。如承緝官未經限滿離任。接任官限一年緝拏。限滿不獲。罰俸一年。提鎮於接到文移之日起。一年內統計所屬獲不及半者。總兵官罰俸一年。提督罰俸六月。均再限一年督緝。一年限滿。統計所屬拏獲仍不及半者。總兵官罰俸二年。提督罰俸一年。

○嘉慶五年奏准各省邊隘調防兵丁。原營將弁慎加選擇。交與換防各員管帶。嚴加約束。毋致生事擾害地方。若在防守地方。酗酒毆打平民。或行竊為匪。及持刃殺傷人命者。將帶防之

員。照例叅處。由防所私行脫逃。責令原營該管各官。勒限緝拏。○六年奏准。綠營兵丁。派往軍營。如有脫逃情事。該管官即行申報。統兵大員。飭營查拏。統兵大員據報覆覈明確。即開明逃兵年貌。行文原籍原營。並移咨附近省分。轉行各省督撫。自奉文之日起。一體按限嚴緝。仍將逃兵名數。及該管官職名。每月彙奏。交部覈議。若兵丁逃走。於半月內拏獲者。該管官免議。如逾限不獲。專管官罰俸一年。兼轄官罰俸六月。如一月內有報逃三名以上未獲者。專管官降

三級調用兼轄官降一級留任。該營統轄大員
罰俸六月。如一月內有報逃十名以上未獲者。
專管官革職。兼轄官降一級調用。該營統轄大
員罰俸一年。如一月內有能拏獲者。仍各按數
遞減。若兵丁本日脫逃。不即申報轉報。遲至兩
三日後申報者。將遲報之員罰俸三月。如已逃
走數日。捏報本日脫逃者。將捏報之員降一級
調用。如竟隱匿不報。將隱匿之員革職。償該管
官苦累兵丁。以致逃走者。將苦累兵丁之員革
職。至附近大營百里內外。有能拏獲逃兵者。每

一名賞銀二兩。二百里以外。每一名賞銀三兩。三百里以外。每一名賞銀六兩。兵丁除賞給外。仍行記功。官員一併記功。如係逃走兵丁之該管官員。拿獲不准給賞。仍將功抵過。○又奏准餘丁脫逃。將軍營帶兵之該管各官。及原營該管各官。均照徵兵脫逃例。酌減議處。○又奏准兵丁奉派出征。如在軍營行兇。持刃殺傷人命者。兵照軍法治罪。帶兵之該管官。降一級調用。兼轄上司。降一級留任。領兵大員。罰俸一年。○又奏准營兵在該管汛地滋事。酗酒尋釁鬪毆。

擾害百姓。該管各官仍照向例議處。若恃強欺壓。夥同營兵助毆傷人。專管官降一級調用。兼統各官降一級留任。總兵官罰俸一年。若執持軍器及鳥槍金刃傷人致死者。專管官革職。兼統各官均降二級調用。總兵降一級留任。提督罰俸一年。如有縱容等情。專汎官革職提問。

七年

諭。向來軍營帶兵人員。於所轄官兵有脫逃情事。處分甚重。此次勦辦教匪。將屆七年。官兵跋涉險阻。晝夜奔馳。異常辛苦。此內私自潛逃者。固所不免。但亦有

因受傷患病。以致不能隨隊行走。中途落後。或傷病身故。或遇賊戕害等情。皆不可知。並有該管之員派兵尋覓。而尋覓之兵。又因他故。久無下落。此與實在潛逃者。其情迥異。若因糧缺虛懸無著。即以脫逃具報。輒將該管之員。照失察逃兵例。一律懲治。則註議者多。未免漫無區別。現在大功將歲。各路官兵均次第凱旋。著詳查各營內無著兵丁。或實係攜帶物件私自潛逃。眾證確鑿。或拿獲之後。審訊明確。無可支飾者。自應將該逃兵照律辦理。其專兼管轄之官弁等。亦屬咎無可寬。均仍交部查議。如該兵丁等實係

落後有因。不及歸伍。查無有心脫逃情節。均可毋庸深究。其該管各員應得失察處分。均著加恩寬免。

八年奏准軍營逃兵情節未明之案。原籍原營承緝各員。仍按初叅二叅立限。其應得處分。照本例酌減議處。俟逃兵拏獲投首後。如審係有意潛逃。仍照舊例補議。若實係落後有因。將該員弁等緝限查銷。其減等處分一併寬免。隨征餘丁脫逃之案。向照額兵脫逃之例。減等議處。嗣後俱照此次酌定章程。再行減等。叢議。

年

諭。鄉僻汎兵餉銀仍照舊派。令州縣及佐雜教職等官
監放。並著該管督撫隨時查察。如有扶同徇隱剋扣
情弊。立時叅辦。其鎮將駐紮地方。給發兵餉。就近責
成道府大員會同監放。如有剋扣情事。即據實揭報。
儻代為徇隱。扶同剋扣。別經發覺。必將監放之員一
併按例懲治。○十二年

諭。國家養兵備用。編隸營伍。給予錢糧。無論新兵陳兵
皆一視同仁。並無區別。從前勦辦邪匪時。川楚陝三
省雇募鄉勇過多。迨大功告成後。就其中情願入伍
者。格外施恩。令其一律歸入營汎食糧補額。乃自作

不靖。藐法逞兇。如陝省之甯陝瓦石坪。川省之綏定叛匪等。先後糾眾滋事。內除甯陝叛匪於乞降後。俱屏諸遠方。餘則概予駢誅。即時撲滅。罪孽實由自取。非獨於新兵執法從苛也。即如桂涵羅思舉。皆係鄉勇出身。因其奮力戎行。屢著勞績。即不次超擢。用至專閫大員。馬兵羅貴。於勦捕綏定叛匪。殺賊立功。仰邀破格殊施。加賞巴圖魯名號。可見良莠不齊。同一新兵。而倡亂者若彼。宣力者如此。賞罰懲勸。各按其功罪酌覈辦理。禍福惟其自取耳。至楚省新兵。恪守營規。甚為循謹。仍當隨時訓飭。俾益精嫻。並著川楚

陝三省總督提督等。通飭營汛。剴切曉諭。令新兵等不必妄生疑慮。惟當以甯陝綏定瓦石坪叛匪為戒。切勿作姦犯科。自取誅殛。若能急公出力。則仰沐恩施。如桂涵羅思舉等。皆其明驗。正不必以入伍新陳。意存畛域。並當曉諭陳兵一體勤加訓練。如有桀驁滋事逞兇不法者。立即懲辦。其奮勉效力者。並當隨時獎拔。如此明白宣示。加意整飭。庶新陳各兵。皆知安分守法。熟習操防。於軍紀營務。實有神益。○又

諭德楞泰等奏查訊方柴關打仗退回兵丁。將約束不嚴之鎮將叅奏。請旨懲辦一摺。此次官兵在方柴關

勦賊實係先勝後敗。並非遇賊即潰。但臨敵退後官
兵即均有應得之罪。德楞泰等查訊情形與勒保前
日所奏俱相符合。此次川北兵丁。昨因各營合隊不
能確指先退之人。已加恩免究。其帶兵鎮將。並各從
寬謫處。所有陝省此次打仗退回兵丁。亦著加恩免
其查究。至總兵游棟雲到任甫經七日。即帶兵勦賊。
當賊匪追撲官兵時。該總兵趕緊督率兵丁放槍轟
擊。尚無恇怯情事。田朝貴任川北鎮較久。平日疏於
訓練。前將伊革去提督銜。巴圖魯名號。留川北鎮總
兵。仍帶革職留任。游棟雲與田朝貴過失相等。念其

舊有勞績。况在任日淺。著加恩免其降調。留河州鎮總兵。仍帶革職留任。以示薄懲。副將祝廷彪到漢中協任甫經三日。在方柴關打仗時。殿後衝殺。嗣勦除瓦石坪叛匪。超衆出力。現另旨加恩賞給巴圖魯名號。此案約束不嚴之咎。竟予免議。蘇勒芳阿係滿洲大員。勦賊不能獲勝。前已降旨革職。念其打仗時曾受箭傷。後隨同勦捕瓦石坪賊匪。亦有微勞。著加恩賞給藍翎侍衛。另降清字諭旨。令往新疆換班。朕申明軍紀。權衡功罪。一秉至公。各營員應知感奮。平時訓練有方。臨事克敵致果。用副朕整飭戎行至意。

○又議定營兵恃強欺壓夥同營兵助毆傷人已經致死者專管官降二級調用兼統各官降一級調用總兵降一級留任營兵執持軍器及烏槍金刃傷人致死者專管官革職兼統各官降二級調用總兵降一級留任提督罰俸一年未經致死者專管官降三級調用兼統各官降一級調用總兵罰俸一年提督罰俸六月○又議定臺灣換班兵丁脫逃管帶官防範不嚴每名降一級留任其原營派撥不慎之員每名罰俸一年○又議定營兵窩隱竊盜專管官自行

查拏究辦者革職留任。○道光三年奏定營汛武弁拏獲竊賊。並不移送有司審理。擅自責打致死者革職。兼轄統轄官失察者降一級留任。○又奏定苗疆地方塘汛兵丁擅役苗民需索強買及各衙門差使經由苗寨擅動苗夫科斂索詐該管員弁如有心故縱者革職提問失於查出之遊擊都司等官降二級調用副將參將降二級留任提鎮降一級留任如兵役滋事擾累該管員弁事發不行申報希圖掩飾曲為徇隱者革職失於查出之遊擊都司等官降一級

調用。副將參將降一級留任。提鎮罰俸一年。如
並不知情止於失察者。將該管員升降一級調
用。遊擊都司等官降一級留任。副將參將罰俸
一年。提鎮罰俸六月。○又奏定。苗疆地方文武
官弁。互相稽察。如遊擊守備以下等官。有將苗
夷科派擾累。及將土目索詐陵辱等情。將該員
弁革職提問。參將副將總兵。如徇庇不行揭報
者。均降三級調用。止於失察者。均降一級調用。
若文職同知以下等官。有擾累苗夷索詐土目
等情。同城武職贍徇隱匿不行告知督撫者。降

一級留任。其出征官兵如有不親身前往將勦賊辦糧重任專委土弁經理致惡弁乘機搶奪生殺任意及洩漏賣放等情亦令文武互相稽察告知該督撫提鎮題叅治罪如瞻徇隱匿亦照此例分別議處。○又奏定營兵煎販私鹽該管官知情徇縱者革職失於覺察者降一級調用兼轄官失察者降一級留任統轄官罰俸一年。若該管官自行查拏究辦者免議。○又奏定出征官兵如有不遵紀律欺壓良民肆行擄掠子女者仍按律治罪其於凱撤回營時沿途遇

有良民子女並非逃失該官兵等強行攜帶者
係官革職兵丁革退均按律治罪領兵之專管
官失察者降二級留任兼轄統轄官降一級留
任其有逃失良民子女輒行攜帶者係官革職
兵丁責革領兵之該管官失察者降一級留任
兼轄統轄官罰俸一年該管官知情故縱者革
職兼轄統轄官降一級調用○又奏定出征兵
丁沿途生事不法擾害地方除將該兵革退治
罪外其約束不嚴之專管官降一級調用兼轄
將領罰俸一年提督總兵罰俸九月如係該管

各官縱令生事者將縱令生事之員革職如武弁跟役生事不法擾害地方者將伊主降一級調用其約束不嚴之該管官罰俸一年兼轄將領罰俸九月提督總兵罰俸六月如係該管各官縱令生事者將縱令生事之員降三級調用○又奏定臺灣遊擊守備等官有貪酷乖張以致起釁生事革職提問參將副將總兵如徇庇不行揭報者均降三級調用止於失察者均降一級調用若文職同知以下等官有貪酷乖張武職贍徇隱匿不行告知督撫者降一級留任

○又奏定兵丁有違禁重利放帳者將兵丁革退失察之本管官降一級留任能自行查出者免議儘明知故縱不行禁止者降三級調用若本管官希圖射利放與本營及別營兵丁以致坐扣錢糧者題參革職仍計贓治罪該管上司知情不報者降三級調用不知情失察者降一級留任○又奏定臺灣係海疆重地換班兵丁由內地各營派往該管官詳加遴選將勤慎安分之人派往其不安分者當即革伍不准派往至到臺後責令臺營該管各官嚴行約束如兵

丁酗酒毆斃人命。將臺營約束不嚴之該管官降一級調用。兼轄官降一級留任。原營派撥不慎之員。均罰俸一年。若結會拜盟。糾夥持械欺壓良善。及逼索詐姦。擾害地方。以致釀成事端者。將臺營約束不嚴之該管官革職。兼轄統轄各官。均降二級調用。總兵降一級調用。原營派撥不慎之員。降一級留任。○九年奏定。在營兵丁。如有糾夥奪犯。毆官之事。該管各官。雖立時首從全獲。仍將平日約束不嚴之專管官革職。兼轄官降一級調用。統轄官降一級留任。○又

奏定營兵革伍後專管官即照例移交地方官
約束編氓如不移交地方官編氓以致該革兵
夥劫為匪一經事發即將該專管官照承辦錯
誤例降一級留任如已移地方官而地方官失
於約束者吏部照例處分原營免議○十四年
奏准營兵有犯違禁經有司官拘責同營兵丁
率眾赴署滋鬧將不能約束之專管官降一級
留任統轄官罰俸一年○同治元年

諭嗣後各省統兵大員於撤回兵勇啟行時著另派隨
營委員協同總帶官弁管領官兵到營民勇到籍如

係外省兵勇。並著於送出本境後。由下站派員接遞。以資約束。而防擾害。如有逗遛滋事。搶擄民物。不服管束者。即著各該地方官。按照軍法。立即斬梟。○三年

諭嗣後各路徵調官兵。經過各州縣地方。均著住宿城外。不准擅自入城。應給米麵等項。由地方官先期送至城外。若帶兵官不能嚴加約束。致兵勇索擾商民者。即由該地方官據實稟揭。由該督撫參辦。並著各路統兵大臣。於出征弁兵。嚴加約束。一體懍遵。不准入城騷擾。以明紀律。而肅戎行。○六年

諭。劉長佑奏查明不守軍律之都司從嚴懲辦等語。都

司陳希協經劉長佑派赴軍營勦賊。輒敢於賊匪經過邨莊。掠取民間衣物。私自運回。實屬膽大妄為。業經劉長佑說明正法。所辦甚是。行軍以紀律為先。若管帶之員。先不能潔己守法。更何能約束兵丁。近聞各營兵勇。於經過地方。頗有騷擾民間之事。皆由帶兵各員束身不嚴。難申軍律所致。積習實堪痛恨。嗣後各路統兵大臣。務當嚴明約束。凡官兵經過城市鄉邨。概不得絲毫擾累。如查有前項情弊。即照軍法懲治。毋稍寬縱。○七年

諭曾國藩奏霆營勇夫鬧餉。應行查辦各官審明定擬一摺。上年十月閒。霆字正左等營。在湖北襄陽府屬東津灣。因餉滋鬧。經李瀚章奏。降旨將營官史宗興等先行革職。訊明後再行從嚴懲辦。茲據曾國藩督同省局司道。訊明霆營鬧餉實因上年七八兩月。江西省未能籌解餉銀。各營籌款墊放。至十月放餉。該營官等扣還前款。適值米價昂貴。又因開差黃安勇丁需用無貲。相率滋鬧。藉端搶掠。營哨各官。雖訊無扣餉重情。究屬辦理乖謬。咎實難辭。已革總兵史宗興。楊謙。萬鄰。連陞。任意扣款。本有應得之咎。業經

革職均毋庸議。約束不嚴之哨官參將劉明高遊擊羅朝魁副將莫志友總兵李仁壽均著革職永不敘用。副將陳敬德彭在中楊友勝均以遊擊降補參將殷昌南著以都司降補遊擊馮文質著以守備降補以示懲儆。已革總兵陳由立當勇丁滋事之時首先搶其坐船其平時不協軍心發餉含糊已可概見被參後又延不到案畏罪玩法厥咎甚重著發往新疆效力贖罪未獲之守備徐正元等五名仍著該督查拏懲辦以肅軍律。○八年奏准軍營派員招勇不能慎選賢能致勇丁沿途結夥肆搶殺人該管帶

官訊無縱容情事。止係不能鈐束者。管帶官革職。遞籍管束。不准再行投營。蒙混開復。其原營選擇不慎之該管大員。革職留任。○九年

諭。通年以來。各省遣散勇丁。往往潛匿各處。乘機搶掠。擾害地方。並有造言惑眾。藉端生事。各情亟應嚴拏懲辦。著各路統兵大臣。暨各直省將軍。督撫。督飭該地方官。遇有此等編造謠言。乘機滋事之勇丁。立即查拏。從嚴懲治。毋稍寬縱。○十一年

諭。嗣後各路統兵大臣。遇有差委員弁。著即申明紀律。嚴加約束。所給執照。務將勇丁馬匹。及所攜帶槍械。

數目並應需車輛若干。以及程途期限詳細開明。經過驛站暨關津隘口。均令呈驗放行。如有不遵盤查及騷擾逾限情弊。准由地方官查拏。隨時稟報督撫。奏明懲辦。至各營中記名提鎮之員。除統帥外。其餘在營差遣者。如有奉差經過驛站關津。均著恪遵功令。聽受地方官稽查。概不准多帶勇丁。濫索車馬。尤不准夾帶貨物。私載婦女。如敢故違。即由各該地方官稟明嚴叅。從重究辦。

馬政 ○原定各營官兵馬匹缺額。赴部領解於沿途倒斃過多者。罰俸一年。○康熙三年覆准

官員解送軍前馬匹。沿途應加謹餵養。不許漫不經心。以致疲瘦。若疲瘦三匹以下者。免議。十匹以下者。罰俸三月。二十匹以下者。罰俸六月。三十匹以下者。罰俸九月。四十匹以下者。罰俸一年。五十匹以下者。降一級留任。六十匹以下者。降一級調用。六十匹以上者。革職。○又題准軍需馬匹。有交與州縣餵養者。若有疲瘦。照解送軍前馬匹例。計數議處。○又題准民人違禁養馬者。失察之該管官。罰俸一年。○十一年題准官兵。不扣朋銀者。該管官罰俸一年。提督罰

俸六月。無提督之省。總兵官罰俸六月。○又題
准領解馬匹。如十分內倒斃三分以上者。罰俸
一年。六分以上者。降一級調用。八分以上者。革
職。如將馬匹私賣私給。並缺馬仍支草料者。革
職提問。○十五年題准大小官弁將自己馬匹
勒令營伍收買。多取價值者。照貪官例革職提
問。○又題准提鎮差遣官役買馬者。若於部發
號票外多買。及攜帶馬販私買者。許經過地方
官嚴行查拏。若被旁人拏首。或別處查獲者。經
過地方官俱降一級留任。官役從重治罪。差遣

之提鎮罰俸一年。○又議准提鎮特叅貪官巨
慝及具題軍政薦舉奏銷錢糧等事。准用火牌
一張填馬二匹。如同駐紮一城。同日拜發者。統
用火牌一張。亦止填馬二匹。其餘尋常事彙至
三件以上。封固由驛站遞送。僮事簡衙門填及
三件者。亦封固由驛站遞送。僮違例專差填用
火牌者。部科覈叅。照多填馬匹例議處。○十六
年議准。姦匪圖利。將馬在賊境接壞販賣與賊
者。不論官兵民人。各照例治罪。該管官知情故
縱者。以同謀論。失察者。武職專汎官革職提問。

兼轄官皆降五級調用。該管總兵官降三級調用。提鎮降三級留任。若販馬之人。由本汛拏獲。文武各官皆免罪。將拏獲之官議敘。十名以上者紀錄一次。多者照數紀錄。五十名以上者加一級。百名以上者加二級。其不係本汛有能盤獲十名以下者紀錄一次。十名以上者加一級。二十名以上者加二級。三十名以上者加三級。四十名以上者加四級。五十名以上者。不論俸滿即升。百名以上者。越升一級即用。拏獲販馬之人。將所獲之馬盡行賞給。○三十一年覆准。

向來各省買馬均先在部領票。經過地方文武官驗票放行。如有姦匪將私馬附入票內影射行走。難於稽察。嗣後各省將軍提鎮等若須買馬。令豫先報部。部內暫停給票。聽其往各口及京城照數購買。買到之日。由部印烙。然後給票。票內駐明馬數。並所往該省路徑。令經過地方文武官將票內馬數及部內印烙驗明放行。若無部內印烙。及馬比票內數多者。查拏治罪。如經過文武官不行查拏。文官交吏部議處。經過地方之專汛官。罰俸一年。○三十九年覆准。偷

盜之馬。經過地方。該官弁無從知係偷盜之馬。所有職名。免其查叅。該官弁能拏獲偷馬賊者。每案紀錄一次。○雍正元年。覆准將軍提鎮以下各官。如有家人衙役。擅騎驛馬。需索驛遞財物。令司驛官申報上司。該上司即行指叅。○十二年。議准買補營馬。遵照定價發給。不得短少分釐。所買之馬。果係臆壯。方准收營。如有扣剋擾累。該營官革職。計贓治罪。若任兵丁以不堪用之馬充數者。該管官降三級調用。○十三年。覆准提鎮差官齎送本章。除緊要者。連站馳遞。

外。其尋常事務。各照該處題定到京限期。日行站數。於火牌內註明。經過司驛官查明應付。如有越站急馳至傷驛馬者。降一級調用。因而傷死驛馬者。降二級調用。仍追馬還官。若倚恃奉差索取驛遞財物者。交刑部治罪。○乾隆元年。議准陝西甘州提標涼州西甯肅州三鎮標各設馬廠一處。每廠牧壯馬一千二百匹。以遊擊一人為總統。每廠分為五羣。每羣牧馬二百匹。壯馬四十匹。以千把總一人為牧長。外委千把總一人為牧副。兵十名為牧人。三年均齊一次。

所牧馬匹不論牝牡每三匹取孳生馬一匹。三年內一羣之馬多孳生一匹以上者為三等賞。千把總加一級。外委紀錄二次。兵每名賞銀一兩。多孳生八十匹以上者為二等賞。千把總加二級。外委加一級。兵每名賞銀二兩。多孳生一百六十匹以上者為一等賞。千把總外委均以應升之官即用。兵每名賞銀三兩。如少孳生二十匹以下者為三等罰。千把總罰馬五匹。外委及兵各責四十。少孳生四十匹以下者為二等罰。千把總罰馬七匹。外委及兵各責五十。少孳

生八十匹以下者。為一等罰。千把總罰馬九匹。外委及兵各責六十。如於原牧數內缺少者。千把總革職。罰馬十八匹。外委革去頂戴。仍責八十。兵責八十。所罰之馬歸入馬羣。覈算其提鎮遊擊統計五羣。以為賞罰。五羣得賞之遊擊。加二級。提鎮加一級。四羣得賞。一羣得罰之遊擊。加一級。提鎮紀錄二次。三羣得賞。二羣得罰之遊擊。提鎮毋庸議。賞議罰。三羣得罰。二羣得賞之遊擊。降一級。留任。提鎮罰俸六月。四羣得罰。一羣得賞之遊擊。降一級。調用。提鎮罰俸一年。

五羣全罰之遊擊革職提鎮降一級調用。若於原牧數內缺少者，除將千把罰出馬數補入外，餘著落遊擊提鎮各半分賠。○六年奏准大小官員將自畜馬匹，抑勒營伍收買，多取價值，若經營驛據實詳揭，該督撫提鎮不題參者，照例。庇例議處，詳揭之營官，以應升之官即用。督撫提鎮失察者，罰俸一年。○十三年議准甘州提標涼州西甯肅州三鎮標各設駝廠一處，每處牝牡駝二百為一羣，每羣以千把總一人為牧長，外委千把總一人為牧副，兵九名為牧人，委

守備一人督率經理。以五年均齊一次。每牝牡駝一百。於五年內孳生四十者。毋庸議賞。於額數之外。多孳生一駝至十駝者。為三等賞。千把總紀錄二次。外委紀錄一次。兵每名賞銀一兩。多孳生十一駝至二十駝者。為二等賞。千把總紀錄三次。外委紀錄二次。兵每名賞銀二兩。多孳生二十一駝以上者。為一等賞。千把總加一級紀錄一次。外委加一級。兵每名賞銀三兩。每牝牡駝一百。於五年內倒斃二十駝者。毋庸議罰。若倒斃逾二十駝之額。不論多寡。總以續得

學生抵補其餘再計學生。如少學生一駝以上者為三等罰。千把總罰俸六月。外委及兵各責四十。少學生十一駝以上者為二等罰。千把總罰俸九月。外委及兵各責五十。少學生二十一駝以上者為一等罰。千把總罰俸一年。外委兵丁各責六十。至經理守備。如千把總外委得一等賞者。准其紀錄三次。得二等賞者。紀錄二次。得三等賞者。紀錄一次。如千把總外委得一等罰者。經理守備罰俸一年。得二等罰者。罰俸九月。得三等罰者。罰俸六月。學生壯駝於五年均

齊之後。照例配搭孳生。其餘牡駝騙割別牧。以備撥用。再孳生駝內如有老弱不孳生者。准其據實呈驗變價。所有空缺。在於孳生駝內頂補。仍算入孳生之數。以定功過。○三十三年奏准。巴里坤原牧孳生及雅爾解來馬共五千二百八十餘匹。仍歸一廠水草不敷。請分為東西二廠。除原派遊擊外。添派都司一員。董率經理。每廠五羣。派千把總五員為牧長。外委五員為牧副。按每馬二十四匹派兵一名為牧人。均齊賞罰。均照舊例。惟統轄總兵既兼理兩廠十羣。應

改為十羣得賞者。加一級。九羣八羣得賞者。紀錄二次。七羣得賞者。紀錄一次。其六羣五羣得賞者。免其議處。六羣得罰者。罰俸半年。七羣八羣得罰者。罰俸一年。九羣十羣得罰者。降一級調用。○三十六年

諭。兵部前次議處解馬倒斃各官一案。舊例所定倒斃六十匹以上。不計多寡。概予革職而止。實未平允。著軍機大臣會同該部另行按所解馬成數。分析定例具奏。欽此。遵

旨議定。凡解送軍營賠補馬匹之數。每百匹准其倒斃

三匹。如倒斃至四五匹者。罰俸六月。六七匹者。罰俸一年。八九匹者。降一級留任。十匹十一匹者。降一級調用。十二匹十三匹者。降二級調用。十四匹十五匹者。降三級調用。十六匹至二十匹者。革職。二十匹以上者。革職杖一百。三十匹以上者。杖六十。徒一年。三十五匹以上者。杖七十。徒一年半。四十匹以上者。杖八十。徒二年。四十五匹以上者。杖九十。徒二年半。五十匹以上者。杖一百。徒三年。如有盜賣別情。從重治罪。至總理督解之員。合其督解總數。按其倒斃多寡。

亦照此分別議處治罪。○四十年奏准。巴里坤東西兩廠孳生馬八千四百餘匹。若仍歸兩廠牧放。原派官兵照料難周。應分為三廠。添派守備一員。董率經理。每廠五羣。每羣以千把總一員為牧長。外委一員為牧副。每馬二十四匹。派兵一名為牧人。均齊賞罰。均照舊例。惟統轄總兵既兼理三廠十五羣。其賞罰應改為十五羣得賞者。加一級。十四羣十三羣十二羣得賞者。紀錄二次。十一羣十羣九羣得賞者。紀錄一次。其八羣七羣得賞者。免其議處。至九羣十羣得

罰者。罰俸半年。十羣十一羣十二羣十三羣得
罰者。罰俸一年。十四羣十五羣得罰者。降一級
調用。○嘉慶六年奏定。奉派出師官兵。應需馬
匹。在於各鎮營內挑選。如將不堪備用之馬充
數。將承辦挑選之員。照以不堪用營馬充數之
例。降三級調用。不行飭駁更換之該管上司。降
一級調用。提鎮降一級留任。如係提鎮自行挑
選。即將提鎮降三級調用。如能挑選妥善。差使
無誤者。准其加一級。○十一年奏准。直隸省領
餵旗馬三千一百八十八匹。每年於秋間歸營。

餵養。至次年立夏時交察哈爾牧放。出青時由提督驗明臆分。分別等第造冊。由總督察覈送部。如列為一等者。給予紀錄一次。列為二等者。毋庸議敘。議處。列為三等者。罰俸一年。如有餵養不善。以致馬匹疲瘦不堪乘騎者。即據實參奏。將經營之員降一級留任。馬匹仍著落賠補。

○道光三年奏定軍營撤回馬匹解回原營。及新疆臺站馬匹。如有倒斃逾額。均照解往軍營馬匹倒斃之例。減等分別議處。○又奏定購買營馬。不許短價侵漁。如本官有剋扣攤派等弊。

該將軍督撫提督題參將本官革職計贓治罪
若任聽兵丁以不堪營馬克數者該管官降三
級調用○又奏定督撫提鎮標營朋馬奏銷限
於次年五月內由該督撫題報甘肅省有烏魯
木齊等營道里較遠限於次年十月內由該總
督具題如各標營遲延不申或已申而督撫不
即送部以致逾限者照營衛各官造送錢糧冊
結遲延例議處○又奏定各省辦解軍需馬贏
足數臆肥由該督撫奏明請

旨議敘將解送之員照軍功加一級○又奏定伊犁

牧廠馬匹。於年終查明。如臆分肥壯倒斃。不逾定額者。官員紀錄二次。兵丁記名於揀選時列名。若馬匹疲瘦倒斃過多者。著落賠補外。將官員叅奏議處。兵丁責懲。○又奏定。烏魯木齊。伊犁庫爾喀喇烏蘇。精河。濟木薩營。吐魯番等處。屯田兵丁。遣犯。應需牲畜。如馬匹驢羸倒斃。不及三分。牛隻倒斃。不及一分五釐。將該管各官記功。其馬匹驢羸倒斃。不及二分。牛隻倒斃。不及一分者。該管各官紀錄一次。○又奏定。伊犁等處派員解送烏魯木齊等處馬牛。妥協解送。

之員。准其加一級。○又奏定。蒙古進貢馬駝之外。途間有願賣者。聽其貨賣。若有通曉蒙古語言之人。與蒙古交結。前往邊界迎買駝牛馬匹者。交刑部治罪。所買牲畜入官。守口官員私放出口者。革職。其蒙古到館後未進貢之先。有入館私買貢馬駝者。係職官。降一級留任。罰俸一年。係平人。鞭一百。如有搶奪偷盜者。交刑部治罪。○又奏定。營驛各官需用馬匹。不詳請督撫提鎮咨呈兵部。私差人來京買馬者。罰俸一年。○又奏定。屯丁兵丁違禁販馬不嚴行察出者。

將衛千總營千總把總各罰俸九月。遊擊參將副將等官罰俸六月。將軍提督總兵各罰俸三月。督撫交吏部議處。○又奏定牧廠馬匹除口老殘傷應行變價者撥出官賣外如有將在廠牧放之馬偷賣與貿易人等一經查出或被首告將偷賣之人係官革職係兵丁杖一百革退將私買之人送部從重治罪馬匹交入原廠仍於賣馬人名下追出馬價一半入官一半賞給首告之人其失察之該管官罰俸六月兼轄統轄官罰俸三月。○又奏定凡私自出口販買馬

匹。及各省差來買馬弁役領票出口。於票填數目之外。有夾帶進口者。責成守口員弁稽查盤獲。將馬入官。人犯送刑部治罪。儻各口暨沿途經過地方失於查拏。以致偷越。將守口及經過地方之該管官。罰俸一年。○五年奏定。伊犁孳生官羣羸餘馬匹。由烏魯木齊。巴里坤。哈密等處查明。次年需用若干。於年前移咨伊犁儘數趕用外。餘賸馬匹。撥解內地。以補缺額。由該將軍挑選。臚壯烙用印記。按照陝甘總督咨文酌量數目。派委妥員解至烏魯木齊。遴員撥解巴

里坤至巴里坤時。該總督委員會同驗收。仍令巴里坤總兵嚴飭解員等。妥解肅州。其自伊犁至巴里坤。雖有戈壁。尚可繞道而行。不准倒斃。自巴里坤至肅州。戈壁相連。水草缺乏。遇有倒斃。應令該解員割取耳尾烙印。據實報驗。免其賠補。其倒斃之數。不得過三成。如有虛浮開報。及烙印不符倒斃過多者。該督撫查明嚴叅治罪。責令賠補。若解到馬匹。驗明烙印無誤。雖臆分稍減。該營員毋許藉端勒指。任意批駁。如有此等情弊。亦准解員據實呈報。該將軍等叅奏。

治罪。○九年奏定甘肅甘州提屬六廠。巴里坤古城濟木薩各廠孳生馬廠內七歲以下之驢馬留廠經牧以備撥用。每年每百匹准開報倒斃馬六匹。八歲以上之驢馬遇有各營倒斃合例營馬缺出撥補。至二十歲以上之驢馬及口老殘廢碎小之兒馬交地方官分別據實變價解司。甘州提屬六廠三年均齊後准挑變一次。巴里坤各廠六年兩次均齊後准挑變一次。每百匹均准挑變馬六匹。不得逾額。其孳生牧廠倒缺兒驢馬數即以續得孳生兒驢馬匹抵補。

分析造冊送部。俟考成時。將頂補過馬駒。仍算入孽生案內。以定功過。二十一年題准。營馬倒斃。該營員並不照例分別年限追賠。椿銀官為買補。概令兵丁自買者。照不應重律降二級留任。二十三年題准。營馬餒養不善。以致臆分不足。馳驟無力。經閱伍大臣參奏者。將該管官降一級留任。二十五年議准。甘肅提鎮大員。於該管營廠馬匹被搶。彌縫賠補。扶同徇隱者。降三級調用。馬匹被搶。虛報奪回者。革職。若於前任虧短。失於查察。不行揭報者。降二級留

任俱分別著落賠補。○同治二年

諭。嗣後牧羣升途。以該羣孳生之馬數較多。兼能臆壯者。以次揀補。如有馬匹疲瘦等弊。即將該翼領等嚴行叅處。牧長以下等官。即於查驗馬匹之時。分別責懲。叅革。

欽定大清會典事例卷六百二十六

兵部

綠營處分例

驛遞

墩臺營房

保甲

驛遞○原定○扈

驛官員領騎驛馬有倒斃者。照分數議處。十分內倒失三分以上者。罰俸一年。六分以上者。降一級調用。八分以上者革職。如將馬匹私賣私給並缺馬。仍支草料者。革職提問。○康熙十一年覆准。提鎮有本章並公務例應馳驛者。准用部頒勘合火牌。司驛官驗明。方准應付。有私用驛

遞夫馬並差遣家人兵役私發牌票索取夫馬者皆降二級調用副將以下各官私發牌票索取夫馬者降二級調用該管之提鎮失察者降一級留任如提鎮及副將以下各官之家人兵役並無牌票倚勢索取夫馬本官查出拏究者免議駐防將軍都統以下各官私用驛遞夫馬及私發牌票者照此例議處○十五年題准買補驛馬若以少報多濫行開銷者照貪官例革職提問○十六年議准馳驛官員將同行之領催差官並從役人等不行約束以致毆傷驛遞

員役或不係緊差。故將驛馬馳斃。或故意越站索取財物者。令州縣驛遞官員。一面申報上司。一面申報兵部。覈查情實。將本官革職。其領催差官等。交刑部從重治罪。○又議准。奉差官役不遵勘合火牌填註。枉道擾驛者。降二級調用。○又題准。在外提鎮以下大小官員。將自己馬匹送入驛站。多取價值者。照貪官例革職提問。○二十八年題准。官兵額外多索船夫及強勒越站行走者。照馳驛越站多索例處分。○三十七年覆准。官員運送軍營米糧。及一應軍需等。

物所用官車。若損壞一車至十車者。為數甚少。免其議處。仍照常議敘。如損壞十一車至二十車者。降一級。二十一車至三十車者。降二級。三十一車至四十車者。降三級。四十一車至五十車者。降四級。五十一車至六十車者。降五級。皆留任。此等損壞驛車之現任候選候補各官。所有議處。准將應得議敘加級減等降抵。如有議敘在一等者。應降一級。改作二等。應降二級。改作三等。應降三級。改作四等。有議敘在二等三等者。亦照此按等降抵。內有微員無級可降者。

革職留任。三年無過開復。其投誠外委間散贖罪人等。除照議敘等第降抵外。如無級可降免議。○三十九年覆准。奉差官役有例應撥兵護送者。若有藉稱緊急。將兵牌不與驗看。額外多索擾累者。係官革職。係役杖一百。多索兵一名者。官降三級調用。役杖八十。二名者。官降四級調用。役杖九十。三名以上者。官革職。役杖一百。儻並無兵牌。詐索護送兵者。有職者革職。無職者。審究治罪。至奉差官役。並無擾累多索。營汛藉端遲延。不即鈐蓋印信者。將該營汛官降一

級調用。○四十二年議准。口外驛站錢糧。皆司驛官豫先支領。若不存儲在官。私借與人圖利者。革職交刑部治罪。○五十一年覆准。一應奉差官役。所領勘合火牌兵牌。事竣即行繳銷。如遲延不行繳銷者。官罰俸三月。役笞五十。○雍正五年覆准。直省本章。遇有徵湮破損。或由本處拜發之時。包封不謹。或由沿途齎送不謹。應分別叅處。嗣後提鎮有本章。將裝本原箱。嚴密封固。於到京之日。令提塘及齎本官役。將裝本原箱。由通政使司閱看。或係內裏徵湮破損。抑

或外面微溼破損。查驗明確。一面揭送內閣。一面咨明兵部行查議處。如內裏微溼破損。將具體官罰俸六月。外面微溼破損。係專差者。將專差官罰俸六月。差役答四十。由驛站遞送者。挨查係何驛微溼破損。將馬夫答四十。司驛官罰俸兩月。○七年議准。駐防官兵家口及寡婦由水路歸旗者。該將軍等將押送官兵並家口數目確數合算。如五十人撥頭號船一隻。四十人撥二號船一隻。三十人撥三號船一隻。骨殖一具。算家口一人。其口糧照家口實數發給。如押

送家口之官。私攬貨物者革職。兵私攬客貨。該員失察者。降一級調用。○九年議准。文武各員來往公文。有事關軍機及緊要刻難遲緩者。一面由馬上飛遞。一面將飛遞緣由知會驛道備案。其收受飛遞公文之衙門。並沿途轉送之各州縣驛。亦將何年月日收受轉送飛遞公文之處。知會驛道。該驛道查明。按季彙冊呈報督撫。督撫於年終咨部查覈。其一應尋常事。不准飛遞。有違例者。降三級調用。○十三年議准。奉差官役所帶之包。不許過六十斤。首站應付包馬。

時稱準斤數無浮。於應付簿上註明鈐印。每夜住宿之司驛官。再加查驗。亦於簿上註明某驛驗過。並無重包字樣。若有過六十斤者。稱出斤數詳報。重至七十斤者。官降一級調用。役杖六十。再有重者。每十斤加一等。重至百斤以上者。官革職。役杖一百。○乾隆六年。奏准奉差官役。執有勘合火牌。藉稱緊急。不與司驛官驗看。騷擾驛遞。多需夫馬車船者。司驛官毋得鈐蓋印信。一面將多索騷擾情由。揭報兵部並都察院。據揭參奏。將騷擾驛遞者。係官革職。係役杖一

百多索馬一匹車一輛船一隻者。官降三級調用。役杖八十。馬二匹車二輛船二隻者。官降四級調用。役杖九十。馬三匹車三輛船三隻者。官革職。役杖一百至每馬一匹不用者。止准折夫三名。若多索夫一名者。官降一級調用。役杖六十。二名者。官降二級調用。役杖七十。三名以上者。官降三級調用。役杖八十。六名以上者。官降四級調用。役杖九十。九名以上者。官革職。役杖一百。十九年議准。各省齎送本章。俱撥差二人。填馬二匹。僮一人。有病留滯中途。該地方官

查明出結。於火牌內註明扣騎馬一匹。令一人
依限馳送。如該差捏稱患病稽留。該地方官不
行查出。遽行出結者。照不行查明給結例。罰俸
一年。其慶賀表箋。豫期封固嚴密。給發傳牌。定
立限期。交與塘站遞送。令各該提塘收接投遞。
即將傳牌繳部查覈。○三十九年覆准。各省餉
鞘數在十萬兩以下者。仍照向例。令沿途逐汛
千把外委等。按程接送。其數至十萬兩以上者。
俱令豫行咨明。沿途督撫酌派該營附近大路
之將備等官。督率弁兵。分起護送。逐程交替明

白。始准回營。遇有疏失。除銀兩仍令文員照例分賠外。該管將備。照地方州縣一律議處。又議准。軍臺官兵。如有將報匣夾板。及兵部加封事件。擅敢拆動。以致洩漏事情者。無論官兵馬夫。均即按軍法從事。其專管臺站之文武員弁。革職拏問。該管臺站大員。降四級調用。至軍營往來文移札稟。凡有關軍需糧餉調遣兵馬。及升調參革官員等項情事。應令發遞時。俱用釘封鈐蓋印記。如臺站書吏人等。有將公文私自拆閱。察出者。究明情節。問擬流罪。其專管臺站

員弁知情不舉者。降三級調用。失察者降三級留任。管理臺站大員。降二級留任。若下站官弁接遞上站公文。見有拆動形迹。不行具報者。降一級留任。如該管官及該管大員自行查出。報明究治者。准予免議。○五十四年

諭前因本月初四日京中本報遲誤。經兵部參奏交直隸總督逐站挨查。於何處耽延。據劉峩查覆係在密雲迤北之沙峪溝穆家峪石匣瑤亭至古北口一帶。因山水陡發。耽誤十五刻。業交在京吏兵二部將文武各員弁議處。十九日復因本報遲到。亦經兵部參

奏議處矣。本報馳遞耽誤。因山水驟發所致。尚非有心遲誤可比。嗣後如有實因山水陡發。遲延三日者。將文武員弁查明議處。以示懲儆。若在一兩日內者。竟可免議。所有此兩次文武員弁應行議處之處。俱著加恩寬免。○又定恭遇

聖駕巡幸。遞送

行在之本章。除實在河水漲發。舟楫難施。以致遲延。一二日者。令其隨報聲明。送

行在兵部查覈。仍令地方官確查實在情形。於文內聲明。送部查覈。果係實情。免其議處。若非雨水

泥淖。藉詞稽遲等情。概不得援免。仍照馳遞緊要公文逾限例議處。○嘉慶六年奏准。嗣後各省塘驛沈匿平常公文一角者。馬夫杖六十。每一角加一等。罪止杖一百。該管之員沈匿一角者。罰俸六月。二三角者。罰俸一年。四五角者。降一級留任。六七角者。降二級留任。八九角者。降一級調用。十角以上者。降三級調用。如官員親齎文移匿失者。照此例加一等議處。應議降三級調用者。議以革職。若於軍情機密一切文移。無論官員兵丁遞送及匿失多寡。俱革職提問。

○道光二年奏准。凡馳驛本章及緊要文報。應有員弁押送者。如不親身押送。即行革職。失於覺察之該管上司。罰俸一年。奉派臺站員弁。遞送緊要事件。如有親身不行馳遞。令人代替者。革職。甚至刻剝官役。故意跑死驛馬。及勒索好馬。干預地方事務。擾害百姓者。俱按例治罪。籤派不慎之上司。降一級調用。督撫提鎮徇情不叅。提鎮降二級調用。督撫交吏部議處。○又定。應由驛站馳遞公文。不得由軍站馳遞。儻該管員弁違例濫行籤發者。降一級調用。若失於詳

查誤行籤發者。降一級留任。○又定。臺站武職員弁。接遞內外衙門公文。如不依原行公文封面填寫處所。錯遞他處。係緊要公文。將誤遞之首站官。每案降一級調用。失於詳查。輒行轉遞之下站官。降一級留任。尋常公文。首站官罰俸一年。轉遞之下站官。罰俸六月。○又定。凡奉旨差遣重大事務及緊要軍務。官役閉門。不容進城。抗不應付。或毆打差員者。俱革職提問。或驛馬額缺。不行買補者。革職。如齎送

上用物件。應付稽遲。或遲誤緊要奏章者。降二級調

用。若稽遲應付。遲誤尋常奏章者。降一級調用。
○六年奏定。臺站官員接遞新疆等處公文冊籍。未能包護如法。以致破損者。將原遞站弁及專管各官。均罰俸六月。○十三年議准。尋常奏摺由驛接遞。不得輒限四五百里。儻有混行籤發者。降一級調用。○咸豐三年

諭。現在軍務未竣。文報往來最關緊要。如道路遇有梗塞。該管驛站地方官。即應設法繞道馳遞。若不知事體緩急。輒將文報擅自遞回。貽誤匪細。著各該省督撫。嚴飭臬司。通行曉諭所屬州縣。凡遇緊要軍報。儻

道路偶有阻隔。藉詞遞回。以致貽誤者。即著該督撫奏明嚴叅。並著兵部隨時稽察。將管理驛站之臬司暨該督撫一併叅處。○五年

諭嗣後各省學政除派辦防勦事務及實有緊要事件迫不及待者准其發報外其餘概不准擅用驛遞以示限制。○七年

諭嗣後各路軍營奏報所奉諭旨該部即迅速鈔錄由驛馳遞不准稍有積壓如再遲誤以致各該省紛紛奏請補發者著該堂官查明係何處遲延積壓即行叅處。○同治元年

諭前因各路軍報驛遞任意遲延。疊經

皇考文宗顯皇帝屢次嚴加申飭。現在各路軍報仍未能按照里數剋期遞至。事關軍務。豈容如此延玩。嗣後著兵部於接到後。按計日期里數。如有遲誤者。即行文各直省督撫沿途挨查。嚴行叅處。其尋常奏事該直省督撫亦不得率行由驛馳遞。以符定制而杜騷擾。

墩臺營房。

國初定邊境設立墩臺營房。以司偵瞭。遇有緊急舉煙為號。寇至百人者。挂席一領。放礮一聲。至

三百人者。挂席二領。放礮二聲。至五百人者。挂席三領。放礮三聲。至千人者。挂席五領。放礮五聲。至萬餘人者。挂席七領。連放礮聲。接遞傳報。○康熙七年。題准各省孔道。均設墩臺營房。撥兵看守。如有緊急軍機。接遞傳報。○雍正十二年。議准墩臺營房。該管官會同地方文職。按汛地建造。嚴飭汛兵。加謹保護。如遇殘缺坍塌。亦會同文職修理。若該管官疏縱。致令汛兵作踐。拆毀者。降一級調用。仍著落賠補。兵丁責革。兼轄官不揭報者。罰俸一年。至該管官離任時。將

墩臺營房。與接任官交代。取結詳報存案。僅在任之日。不會同文職修理。經接任官詳揭者。將該管官降一級調用。仍著落賠修。若該管官無力。即著落平日不稽察之兼轄官分賠。接任官濫行出結。亦著落賠修。或墩臺營房。並無缺損。接任官故意勒索。照交代勒索例議處。○乾隆二年議准。墩臺營房。如遇殘缺坍塌。該管官移會文職。按照地方銜僻。次第修理。如遲延不報。照遲延例議處。○三年奉

旨。各省水陸孔道之旁。設立墩臺。駐宿兵丁。所以護衛

行人稽察匪類。朕聞外省情形種種不一。其間兵卒成行。器械成列。於行李往來之時。留心防護者有之。防汛止二三人。而不成行列。器械不整者有之。營房雖設。而闕其無人。一任偷竊潛行。漫無知覺者亦有之。大抵與督撫提鎮等駐紮大營相近者。尚覺整齊。其遠者即多廢弛。夫防汛兵丁。既無差操之勞。專司稽察之事。而乃怠情縱逸至此。則國家設立防汛兵之意安在。皆該管官弁約束不嚴。董率不力。有以致之。其如何增設懲儆之法。令督撫提鎮等轉飭所屬將弁實心奉行。俾各勤於職業。不似從前之耽逸偷安。

任意曠誤。著兵部定議具奏。欽此。遵

旨議定。各省督撫提鎮將所屬地方詳細籌畫。除汛兵已經足額者。毋庸再行撥補外。其有汛兵缺少之處。各按地方衝僻情形。悉心酌定。即行撥補。撥補之後。不許缺額。所有器械務須整齊。仍令該管官不時查驗。儻有離汛偷安。曠誤汛防者。將兵丁責革另補。該管官稽察不力者。照約束不嚴例議處。○二十八年覆准。巡閱營伍原為考驗兵丁。盤查器械。庶不致技藝生疏。老弱弊混。至塘汛兵丁。有護解餉犯。巡查姦宄之責。若

遇巡閱該管將備即調集合操。未免曠誤汛守。有顧此失彼之虞。嗣後凡

欽差以及督撫提鎮巡閱營伍其經過之塘汛兵丁。即便道閱驗。毋庸調集該營駐紮之城合操會驗。至偏僻不能徧及之塘汛兵丁。在十名以上者。調驗一半。仍將一半留汛防守。其不足十名者。毋庸調集。即令該巡閱大臣委員分差前往查驗。如有老弱弊混。並技藝生疏者。即據實詳革。叅處。僮委員查驗不實。後經查出。將委員一併叅處。三十五年奏准。墩臺營房。遇有坍塌。

傾圮之處。專汛武弁。隨即詳報。係總兵所轄者。即責令總兵。副將所轄者。即責令副將。會同地方官親往查勘。實因風潮坍塌。工大費繁者。呈報提督。移報總督。覈明估報。動項興修。如因節年坍塌者。著落節年不行黏補之地方官賠修。其未經總兵副將查勘之處。毋得濫請動項興修。如專汛之弁。不即詳報者。該管將備揭報題叅。將該汛弁照承查遲延例議處。○嘉慶四年諭。各省設立塘汛。額設弁兵。原為稽查姦匪。緝拏盜賊。護送差使。理應一律整齊。以壯觀瞻。而嚴稽察。著通

諭各省督撫提鎮等。實力整飭。稽查塘汛弁兵。毋得怠玩。致干咎戾。○五年

諭營汛安設器械。原以防姦宄而安行旅。著通飭直省各督撫提鎮嚴飭所屬。將各汛應設器械。務令一律堅利。不得有名無實。如仍前懈弛。即將該管之員。據實嚴叅。交部議處。○六年。奏准。墩臺營房。遇有坍塌。傾圮。如汛弁不即詳報者。經該管將備揭報題。叅。將該汛弁降二級留任。○又奏准。各省汛地。添建營房墩臺。千兩以上。督撫具題。千兩以下。報明兵部。入於彙題案內。俟覆准之後。方准動

項建造請銷。如不候部文。擅自動項添建報銷者。將承辦之員。照擅自動支例。降一級調用。轉詳官照率行詳轉例。降一級留任。率行出咨之督撫。交吏部議處。○十二年議定。城外失事。離城五里以內者。疏防各官。照設有墩鋪之例議處。其離城五里以外者。照未設墩鋪之例議處。

○十七年

諭長齡奏湖北差弁中途被賊戕劫。勒限緝拏。先將原摺進呈。此案湖北差弁齎摺進京。經由河南許州地方。與腳夫同被劫殺。身受多傷。非尋常疏縱可比。著

該撫勒限嚴拏務獲。並將地方營汛官嚴叅示儆。直
省驛路安設墩鋪營房。原以稽查盜賊。乃近日率皆
有名無實。致令姦宄肆行。為害商旅。甚至將齋摺員
弁中途戕斃。廢弛已極。著通諭各督撫嚴飭所轄文
武員弁。於驛站塘汛認真整頓。實力巡緝。務使宵小
屏迹。道途肅清。以靖盜風而安行旅。○又

諭直省驛路通衢。設立塘汛亭墩相望。即間有盜賊伏
伺。而兵役巡邏聲氣聯絡。不難立時擒捕。規制最為
周密。乃近日奉行不力。漸就廢弛。朕於來往奉使臣
工。詢問沿途所經。據稱營房大半坍塌。兵丁駐守巡

查者甚屬寥寥。寒冬昏曉。孤行商旅。胥有戒心。甚至河南地方。竟有戕劫差弁之案。若不嚴加整飭。則姦宄肆行。尚復成何政體。向來各省塘汛。遼闊之處。州縣官並增設更鋪夫役。來往控巡。近亦相率裁汰。不以緝捕為事。宵小益無顧忌。著通諭各督撫。嚴飭所轄文武員弁。會同協力籌辦。將境內墩汛塘鋪。查明一律修整。派撥兵役。常川守望稽查。如有疏縱失事者。嚴叅究辦。若督撫諱匿不舉。查出一併懲處。務使戢暴安良。共臻蕩平之治。○咸豐十一年

諭。現在直隸境內搶劫之案。層見疊出。著順天府直隸

總督嚴飭各州縣將境內墩鋪一律修葺添設兵勇認真巡邏並責令所轄文武員弁會同鄰境地方官每月會哨數次以資聯絡嗣後遇有盜案該州縣不即行詳報者即照諱盜律治罪該管上司不即行參奏以及叅限將滿復改調他任巧為開脫處分者一體交部嚴加議處

保甲○

國初定凡州縣鄉城每十戶立一牌頭十牌立一甲長十甲立一保正每戶給印牌一張書姓名丁數出則記其所往入則稽其所來其客店亦

令各立一簿。將每日宿客姓名。所帶行李牲口。及作何生理。往來何處。逐一登記明白。至於寺觀。亦分給印牌。上書僧道人數姓名。稽察出入。如有奉行不力。或徒委吏胥需索擾害者。參劾照例議處。○康熙二十五年題准。近京屯莊旗民雜處各州縣。將旗民均編立保甲。各立甲長。稽察盜賊。如有面生可疑者。即拿送地方官訊究。僮甲內旗人為盜。屯莊領催窩盜者。即解送刑部治罪。○三十六年覆准。八旗內務府佐領下人。有在近京地方開窩者。亦令地方官編立

保甲。令甲長不時稽察。如在地方生事。即解送刑部治罪。○雍正四年

諭。弭盜之法。莫良於保甲。乃地方官憚其煩難。視為具文。奉行不實。稽察不嚴。又有藉稱村落奇零。難編保甲。至各邊省。更藉稱土苗雜處。不便比照內地者。此甚不然。邨莊雖小。即數家亦可編為一甲。熟苗熟獐。即可編入齊民。苟有實心。自有實效。嗣後不實力奉行。作何嚴加處分。保正甲長及同甲之人。能據實舉首者。作何獎賞。隱匿者作何分別治罪。著九卿詳議具奏。欽此。遵

旨議定。嗣後每戶給印牌一張。書姓名丁數。偶有出入。必使註明。不許容留面生可疑之人。若部落奇零。戶不及數。即就數編立。至熟苗熟種。已經向化。應一例編立保甲。如地方官不實力編排。以致盜賊窩藏。將州縣及營汛專管官。照不能查緝姦民例。降二級調用。兼轄官同城者降一級調用。不同城者降一級留任。能查出詳揭者免議。保正甲長牌頭及同甲之人。果能實力察訪。據實舉首。照捕役獲盜過半以上例。地方官按名數酌量獎賞。僮牌頭於所管內贍徇隱匿事。

發之日。係強盜。照不應重律折責。係竊賊。分別輕重。酌量懲儆。若牌頭曾於甲長保正處首告。不據實轉首者。一經發覺。甲長照牌頭減一等發落。保正減二等發落。牌頭免坐。若屯堡村莊聚族百人以上。保甲不能徧查者。選擇族中人品剛方者。立為族長。如有匪類。令其報官究治。儻贍徇隱匿。與保正一例治罪。○五年覆准。紳衿一例編入保甲。聽候稽察。如抗不遵依。比照脫戶律治罪。地方官徇情不詳報者。照徇庇例議處。其保正甲長。紳衿免充輪直支更看柵等

役亦准免。至齊民內有衰老廢疾。及孤寡之家。子孫尚未成丁者。均准免支更看柵。及一應差徭。○又覆准各處大小船易於藏姦。令地方官取具船戶鄰佑保結。編列號數。於船兩旁刊刻某處船戶某人姓名。給以執照。該船戶持照攬載。地方及營汛官弁不時稽察。其採捕漁船。姦良更難分辨。照陸路保甲之例。以十船編為一甲。一船有犯盜竊者。令九船公首。若隱匿不報。事發將同甲乙船一併治罪。至漁船停泊之處。百十成羣。多寡不等。十船一甲之外。如有餘船。

即以奇零之數編為一甲。地方及營汛官弁。隨時留心點驗。不得虛應故事。○又覆准保正甲長。准免本身差徭。如有藉名武斷鄉曲者。嚴查革究。一切戶婚田土。不許干預。專以稽察盜賊。及人命賭博等事。○又覆准保甲之法。苗民謂之合椿。除隔省並生苗地方。或邨寨相遠。不必合椿外。其邨寨附近。令其合椿防守。○十一年議准。臺灣多流寓之人。除立有產業。兼有父母妻子者。自有十家甲牌可稽。其並無家室產業。如佃戶傭工貿易之類。取具業主房主鄰佑保

結附於甲牌之末彙報以備稽察。乾隆二年議准編立保甲。原為消弭盜賊。務令保正甲長逐戶稽察。如有蹤迹可疑者。即行呈報。儻有瞻徇隱匿。按律治罪。至於塘汛兵丁。原非徒供差使。實為弭盜安民而設。各該督撫提鎮。飭令營汛官弁。嚴飭塘汛兵丁。晝則循環守望。夜則輪流巡邏。如遇行蹤詭秘。逐加盤詰。若有搶截劫掠。不能救護擒拏。甚至盜賊出沒。漫無知覺者。除將兵丁斥革。重加責懲外。該管官知情徇隱者。降三級調用。失察者罰俸一年。○四年議准。

廣東州縣民人有入山搭寮取香春粉砍柴燒炭為業者。照保甲例編排。每寮給牌一張。令寮人互相保結。擇老成謹慎者為寮長。寮戶聽其鈐束。遇有遷移加增。寮長及互結之人。將牌赴縣更正。儻窩藏姦宄。容隱不報者。發覺連坐。營汛官弁。每月撥兵巡查一次。不許生事擾累。內有未經報官搭寮居住者。即送文職官查審。如漫不經心約束。以致窩藏姦匪者。照例議處。

二十三年

諭游食窮民。行止無定。探囊覬篋。無所不有。誠使各遣

歸鄉里。編入甲中。嚴加管束。自是清獄訟息事端之良法。但此輩輾轉流移。城市村落。所在多有。必一一拘查押送。責成原籍保甲等收管。事理頗屬煩瑣。且恐沿途辦理不善。未免轉致滋事。此輩既已流移。隨地乞食。地方官向來積習。往往視為流丐。不加約束。是以若輩無所顧忌。甚至呼朋引類。恣為姦匪。此皆有司不行彈壓之所致也。夫流丐在境。固不必過為迫逐。亦自當加以管束。與其紛紛移解。責成原籍收管。不若就近所在地方。設法查禁。尚屬簡便易行。嗣後地方官凡遇流丐在境。務須督率保甲人等。諄切

曉諭。仍不時留心察訪。如有逞強不法者。即嚴拏懲治。以儆愚昧。庶於聽其營食之中。即寓禁其滋事之意。既不必解送紛煩。亦不致漫無約束矣。直省諸大吏。其督率所屬實力奉行之。毋視為具文也。○嘉慶

五年

諭。向來保甲一法。原係比閭族黨之遺制。稽查姦宄。肅清盜源。實為整頓地方良法。飭令各督撫等實心講求。妥為辦理。但定立章程。惟在簡而易遵。切而可久。方能得有成效。如繕造循環冊籍。務令地方公舉誠實甲長。俾司其事。不經吏胥之手。至於稽查之法。地

方官勢難周歷四境。應於因公下鄉。隨時詢問。據其所言。丁口。閱對牌冊。或於審理詞訟時。隨意詳詰。取冊較覈。則甲長等自不敢從中弊混。任意捏報。加以化導有方。戒勉有法。條析利害。申明約束。如有干犯禁例。牌甲知情不舉者。查明隨案示懲。庶幾法立而人不敢欺。小民相勸於為善矣。○十七年

諭。保甲為弭盜詰姦。歷來奉行良法。此事編查切近。全在責成牧令。所謂有治人。無治法。近來地方官視保甲為虛應故事。雖章程周備。亦屬徒託空言。著通諭各直省分飭所屬。各就地方情形。參酌保甲舊章。認

真經理。期於行之有效。毋得以具文塞責。○道光十

六年

諭。保甲一法。著之令甲。立法本極周密。最為弭盜良規。地方官果能實力奉行。原可使風移俗易。無如法立弊生。檢防難及。以致編查徒為具文。未能徧收實效。嗣後著各直省督撫。責成各道府。慎選委員。會同地方正佐各官。親歷編查。不准攜帶多人。致滋紛擾。儻虛行故事。或不安本分。地方官據實稟詳。該上司即嚴行叅辦。如徇隱不報。亦著一併嚴叅。至一切紙張冊籍。俱令地方官自行捐給。不准絲毫擾累。其領牌

繳冊及丁役規禮概行革除。違者從重究辦。